

精鈔  
大字

隨

園

全

集

欽定四庫全書

卷一百一十五

詩經

卷一百一十五

戊午季校正精鈔

飲水詞鈔

文明書局藏版

上海文明  
書局藏版

飲水詞鈔序

夫東筦西頌奏韶樂而同音。圓璧方珪。本黃鍾而合度。蓋尺寸所積。銖黍必侔。清濁自分。宮商終協。自來彙集。咸此肇端。爰逮倚聲。厥有同揆。匹如七裏之錦。纂雜組以相鮮。四照之花。發駢枝而益豔。此汪紫珊太守七家詞鈔之所為刻也。太守抱蘭茝之懷。深烟霞之契。幽賞獨詣。芬芳自標。夙於歌詞。尤所篤嗜。作東澤綺語。悅魄動魂。暢南宋宗風。超心緒。固已矜飾琴雅。耀豔詞壇矣。茲復合朋簪之近製。作蕭譜之新編。載酒題襟。不盡漁樵之侶。尋烟狎月。大都山水之鄉。東南勝流。約略具是。微微乎眾美臻焉。間考詩變為詞。先傳蘭畹。詞總為集。首著花間。下逮曹慤雅詞。黃昇妙選草堂。則調分長短。梅苑則錄取宋唐周草窗之米掇菁華。朱竹垞之甄綜繁富。皆備歷代之遺音。木標一時之雅範。今觀是集之成。洵足後來居上。至其詞或極要眇纏綿之致。或託夷靡紫衍之音。或秀出梅溪神超意象。或癡同竹屋語感情靈。體物則精思冥搜。寫春融冶。賦景則孤懷遞觸。夢雨蕭聊。皆可作溫李之嗣音。循姜張之逸軌。讀者自能領之。無俟余之贅述爾。七家者。陽湖劉芙初。錢塘袁蘭邨。無錫顧蘭塘。上元汪鄰樓。儀徵汪竹素。金匱楊浣鄉。及太守之作也。嘉慶己卯春三月海寧楊文孫拜序。



飲水詞鈔卷上

長白納蘭性德容若著

原名成德

錢唐袁通蘭村選錄

江城子

濕雲全壓數峯低。影淒迷。望中疑。非霧非煙，神女欲來時。若問生涯原是夢，除夢裏，沒人知。

采桑子

彤霞久絕飛瓊宇。人在誰邊。人在誰邊。今夜玉清眠不眠。香消被冷殘燈滅。靜數秋天。靜數秋天。又誤心期到下弦。

又

誰翻樂府淒涼曲。風也蕭蕭。雨也蕭蕭。瘦盡燈花又一宵。不知何事縈懷抱。醒也無聊。醉也無聊。夢也何曾到謝橋。

又

嚴霜擁絮頻驚起。撲面霜空。斜漢朦朧。冷逼氈帷火不紅。香篝翠被渾閒事。回首西風。何處疎鐘。一穗燈花似夢中。

又

冷香縈遍紅橋夢。夢覺城闌。月上桃花。雨歇春寒燕子家。瑩篴別後誰能鼓。腸斷天涯。暗損

韶華一縷茶煙透碧紗

又

詠春雨

嫩煙分染鵝兒柳。一樣風絲似整如攸。繞著春寒瘦不支。涼侵曉夢輕蟬膩。約略紅肥不惜。歲時碾取名香作地衣。

又

塞上詠雪花

非關癖愛輕模樣。冷處偏佳。別有根芽。不是人間富貴花。謝娘別後誰能惜。飄泊天涯寒月。悲怨萬里西風瀚海沙。

又

桃花羞作無情死。感激東風。吹落嬌紅。飛入閒窗伴懊惱。誰憐早苦東陽瘦。也為春慵不及。芙蓉一片幽情冷處濃。

又

撥鐙書盡紅箋也。依舊無聊。玉漏迢迢。夢裏寒花隔玉簾。幾竿修竹三更雨。葉葉蕭蕭分付。秋潮莫誤雙魚到謝橋。

又

涼生露氣湘絃潤。暗滴花稍。簾影誰搖。燕蹴風絲上柳條。舞餘鏡匣閒頻掩。檀粉慵調。朝淚如潮。昨夜香衾覺夢遙。

又

土花曾染湘娥黛。鉛淚難消。清韻誰敲。不是犀椎是鳳翹。祇應長伴端溪紫。割取秋潮。鸚鵡偷教。方響前頭見玉簫。

又

謝家庭院殘更立。燕宿雕梁。月度銀牆。不辨花叢那辨香。此情已自成追憶。零落鴛鴦。雨歇微涼。十一年前夢一場。

又

而今繞道當時錯。心緒淒迷。紅淚偷垂。滿眼春風百事非。情知此後來無計。強說歡期。一別如斯。落盡梨花月又西。

臺城路

洗妝臺懷古

六宮佳麗誰曾見。層臺尚臨芳渚。露脚斜飛。虹腰欲斷。荷葉未收殘雨。添妝何處。試問取雕籠。雪

衣分付。一鏡空蒙。鴛鴦拂破白蘋去。相傳內家結束。有帕裝孤穩。鞦韆女古。冷豔全消。蒼苔  
玉匣。翻出十眉遺譜。人間朝暮。看臉粉亭西。幾堆塵土。只有花鈴。暗風深夜語。

又

上元

闌珊火樹。魚龍舞。望中寶釵樓遠。棘韞餘紅。琉璃臙碧。待屬花歸緩緩。寒輕漏淺。正乍斂煙霏。隕  
星如箭。舊事驚心。一雙蓮影藕絲斷。莫恨流年逝水。恨銷殘蝶粉。韶光忒賤。細語吹香。暗塵  
籠鬢。都逐曉風零亂。闌干敲遍。問簾底纖纖。甚時重見。不解相思。月華今夜滿。

又

塞外七夕

白狼河北秋偏早。星橋又迎河鼓。清漏頻移。微雲欲濕。正是金風玉露。兩眉愁聚。待歸踏榆花那  
時。纔訴。只恐重逢。明明相視更無語。人間別離無數。向堆蓮瓜果。碧天凝竚。連理千花。相思  
一葉。畢竟隨風何處。羈縻良苦。算未抵空房。冷香啼曉。今夜天孫笑人愁似許。

玉連環影

何處幾葉蕭蕭雨。濕盡簷花。花底人無語。掩屏山玉爐寒。誰見兩眉愁聚。倚闌干。

洛陽春

雪

密灑征鞍無數。冥迷遠樹。亂山重疊香難分。似五里濛濛霧。惆悵鎖窗深處。漁花輕絮。當時悠  
颺得人憐。也都是濃香助。

謁金門

風絲裊水浸碧天清曉。一鏡濕雲青未了。雨晴春草草。夢裏輕螺誰掃。簾外落花紅小。獨睡起來  
情悄悄。寄愁何處好。

四和香

夢浪翻晴風颭柳已過傷春候。因甚為他成病。畢竟是春拖逗。紅藥闌邊攜素手。暖語濃於  
酒。盼到園花鋪似繡。却更比春前瘦。

金菊對芙蓉

上元

金鴨消香。銀虬瀉水。誰家玉笛飛聲。正上林雪霽。鴛鴦晶瑩。魚龍舞罷香車香。贖尊前袖掩吳綾。狂  
游似夢。而今空記。密約燒燈。追念往事難憑。數火樹星橋。回首飄零。但九達煙月。依舊朧明。  
楚天一帶驚烽火。問今宵可照江城。小牕殘酒。闌珊燈炮。別自關情。

點絳脣

對月

一種蛾眉下弦不似初弦好。庾郎未老。何事傷心早。素壁斜輝。竹影橫窗。掃空房悄。烏啼欲曉。又下西樓了。

又

黃花城早望

五夜先寒。照來積雪平於棧。西風何限。自起披衣看。對此茫茫。不覺成長歎。何時旦。曉星欲散。飛起平沙雁。

又

小院新涼。晚來頓覺羅衫薄。不成孤酌。形影空酬酢。蕭寺憐君。別緒應蕭索。西風惡。夕陽吹角。一陣槐花落。

浣溪沙

消息誰傳到拒霜。兩行斜雁碧天長。晚秋風景倍淒涼。銀蒜押簾人寂寂。玉釵敲竹信茫茫。黃花開也近重陽。

又

雨歇梧桐淚乍收。遣懷翻自憶從頭。摘花銷恨舊風流。簾影碧桃人已去。麝痕蒼蘚徑空留。雨

眉何處月如鉤。

又

欲問紅梅瘦幾分。看愁損翠羅裙。麝篝衾冷惜餘熏。可奈暮寒長倚竹。便教春好不開門。枕  
把花下校書人。

又

淚浥紅箋第幾行。喚人嬌鳥怕開窗。那能閒過好時光。屏障厭看金碧畫。羅衣不奈水沈香。遍  
翻眉譜只尋常。

又

殘雪凝輝冷畫屏。落梅橫笛已三更。更無人處月朧明。我是人間悵悵客。知君何事淚縱橫。斷  
腸聲裏憶平生。

又

睡起惺忪強自支。綠傾蟬鬢下簾時。夜來愁損小腰肢。遠信不歸空並望。幽期細數却參差。更  
兼何事耐尋思。

又

五月江南夢已稀。黃梅時節雨霏微。閒看燕子教雛飛。一水濃陰如罨畫。數峰無恙又晴暉。前

裙誰獨上漁磯。

又

誰道飄零不可憐。舊游時節好花天。斷腸人去自今年。一片暈紅纔著雨。幾絲柔綠乍和煙。倩魂銷盡夕陽前。

又

詠五更和湘真韻

微暈嬌花濕欲流。簾紋燈影一生愁。夢回疑在遠山樓。殘月暗窺金屈戌。軟風徐蕩玉簾鉤。待聽鄰女喚梳頭。

又

五字詩中目乍成。儘教殘福折書生。手按裙帶那時情。別後心期和夢香。年來憔悴與愁并。夕陽依舊小窗明。

又

記綰長條欲別難。盈盈自此隔銀灣。便無風雪也摧殘。青雀幾時裁錦字。玉蟲連夜翦春幡。不禁辛苦況相關。

又

誰念西風獨自涼。蕭蕭黃葉閉疎窗。沈思往事立殘陽。被酒莫愁春睡重。賭書消得撥茶香。當時止道是尋常。

又

蓮漏三聲燭半條。杏花微雨濕紅綃。那將紅豆記無聊。春色已看濃似酒。歸期安得信如潮。離魂入夜情誰招。

又

身向雲山那畔行。北風吹斷馬嘶聲。深秋遠塞若為情。一抹晚煙荒戍壘。半竿斜日舊關城。古今幽恨幾時平。

又

### 古北口

楊柳千條送馬蹄。北來征雁向南飛。客中誰與換春衣。終古閒情歸落照。一春幽夢逐游絲。信回剛道別多時。

又

鳳髻拋殘秋草生。高梧濕月冷無聲。當時七夕記深盟。信得羽衣傳鈿合。悔教羅襪葬傾城。人間空唱雨淋鈴。

又

敗葉填溪水已冰。夕陽猶照短長亭。何年發寺失題名。  
倚馬客臨碑上字。鬪雞人拂佛前燈。淨  
銷塵土禮金經。

又

庚申除夜

收取閒心冷處濃。舞裙猶憶柘枝紅。誰家刻燭待春風。  
竹葉樽空翻綵燕。九枝燈炮鷓鴣風。  
流端合倚天公。

又

腸斷班驢去未還。繡屏深鎖鳳簫寒。一春幽夢有無間。  
逗雨疎花濃淡改。關心芳草淺深難。不  
成風月轉摧殘。

又

旋拂輕容寫洛神。須知淺笑是深顰。十分天與可憐春。  
掩抑薄寒施軟障。抱持纖影藉芳茵。未  
能無意下香塵。

又

十二紅簾窣地深。纔移剗鞵又沉吟。晚晴天氣惜輕陰。  
珠板佩囊三合字。寶釵攏髻兩分心。定

緣何事濕蘭襟。

又

紅橋懷古和王阮亭韻

無恙年年汴水流。一聲水調短亭秋。舊時明月照揚州。曾是長堤牽錦纜。綠楊清瘦至今愁。玉鉤斜路近迷樓。

風流子

秋郊即事

平原草枯矣。重陽後。黃葉樹騷騷。記玉勒青絲。落花時節。曾逢拾翠。忽聽吹簫。今來是。燒痕殘碧盡。霜影亂紅凋。秋水映空。寒煙如織。皂雕飛處。天慘雲高。人生須行樂。君知否。容易兩鬢蕭蕭。自與東君作別。剗地無聊。算功名何許。此身博得。短衣射虎。沽酒西郊。便向夕陽影裏。倚馬揮毫。

蝶戀花

辛苦最憐天上月。一昔如環。昔昔都成玦。若似月輪終皎潔。不辭冰雪為卿熱。無那塵緣容易絕。燕子衣然。軟踏簾鉤說。唱罷秋墳愁未歇。春叢詠取雙棲蝶。

又